

四庫全書

集部

欽定四庫全書

御製詩餘集卷

集部

三至
四

欽定四庫全書

御製詩餘集卷三

古今體二十八首

丙辰三

雨

二月廿六日

五鼓聞雲佈甘膏落曉晨恰符十日

昨十七日得雨
深邃不可以寸

計至今日甘膏接潤復得
三寸餘恰符十日之占

難得是中春禾黍胥堪種北

南祝普均

日前山東河南各奏報於二月內普得雨澤
霑被甚慶與京畿得雨先後略同今春南北

屢沐

恩膏慶協農
祥欽感之餘益深虔惕

農佳恐意滿虔惕勵諄諄

清明

二月廿七日

昨雨逾三寸夜雲傷曉昀
昕落霧重寥朗過辰晴占

汁

關西曰汁同
協出方言

今朝吉兆殊往歲情

北方有清明風刮
土連連四十五之

訪往歲春雨艱致是日或遇有風試之屢驗今歲入春
後雪雨頻霑極為深透大利耕作為北地所僅觀而今
日清明節又幸竟日無
風可為夏收豐稔之兆
無風欣至晚乃敢五言成

詠和闐白玉碗

和闐貢玉多無數

去聲

擇質

謂器之
大小

兼之擇品

謂色之
純疵

良

碗則大為孟則小

許慎說文云盃小孟也是大則為孟
小則為盃此玉材質約圍一尺餘以

之為器則成大器若製為盂則尺寸
轉小矣因材器使之義即於斯寓焉 仁言圓勝義言方
可儀人物德誠美不掩瑜瑕說更長斐几旅葵原在側
對惟怵惕自慙惶

按玉之美者為瑜其疵為瑕禮記聘義云瑕不掩瑜
瑜不掩瑕又左傳云瑾瑜匿瑕予以為此有二義所
謂不掩者蓋其質美處多而考類少不可以小疵而
棄其大醇傳所云不以一眚掩大德即此意也至匿
瑕者乃大舜隱惡揚善之義若玉之材質大段果屬

精純即微有瑕玷亦尚可包容含蓄不至棄捨是以
辛巳賦得詩有隱之略一玷揚矣獲連城之句夫全
材希有用貴取長因詠此盟復絜矩及之并識

湖北巡撫惠齡奏報生擒邪教首逆聶傑人詩以
誌事

湖南叛逆苗師征不得已地險逆苗衆耆定踰年俟去歲

二月初間據總督福寧提督劉君輔湖南巡撫姜晟貴
州巡撫馮光熊各奏報貴州逆苗石柳鄧糾約湖南逆
苗石三保等滋擾焚掠幸福康安先以整理錢法調任
雲南總督聞信即馳赴貴州連克正大喚腦松桃三圍

又和琳新授川督自藏赴京陛見甫入川境聞秀山亦有逆苗滋擾即改途馳往勦除與福康安合兵楚南屢次焚勦逆匪苗寨無算并擒獲首惡吳半生解京逆苗勢已窮蹙惟該處山路險峻又多霖雨至今已踰一年尚待蕩平之信
調兵北近南兵調營空裏邪教乘此釁為之日殷企望

一二作亂起

幸該省去歲收成豐稔雖附近苗寨之處猝被搶掠而通省民情安帖不意湖北邪

教聶傑人劉盛鳴等窺伺湖北各營官兵調往湖南乘此起釁在枝江宜都等處糾集匪徒肆行搶奪署湖北巡撫惠齡適在荊州經理軍需一聞此事隨即帶兵馳往擒獲一百五十餘人而逆匪等旋即逃往江家壩大山之內冀圖賊首聶傑人聚匪謀不軌官軍勦屢勝守險負隅抗拒

學苗子

單沅駐湖南辰州辦理軍營接濟聞信即馳回會同惠齡簡調荊州滿漢官兵並鄉勇等入山

勦捕官兵鼓勇直進當即勦殺二百餘人生擒數十名
逆匪竄入灌灣腦及太和山內藏匿我兵隨於太和山
駐劄扼其要害惟是該處山徑陡雜賊匪恃
險負固其情形幾同南省逆苗實堪痛恨 向餘邪教

流猖狂聚蜂螳當陽竟戕官督往親勦洗先撫安荊州

民心胥定救

前此四川大寧縣匪徒謝添繡與竹谿縣之王占魁陳金玉等傳習邪教一索經福

康安等訪拏懲治不謂此輩聶傑人等仍假白蓮教名
色糾衆倡謀敢肆猖狂近又據畢沅等奏江北當陽縣
被賊占據賊官難民大半逃至河溶鎮地方卑沅一聞
此信即分兵馳迴荊州安撫地方民心平定一面檄催
豫兵速到一面先自酌帶兵將徑赴當
陽該縣地處平川諒不難於收復也 撫駐太和山相

機進無止今接飛章報生擒渠魁矣賴征苗二督由南

助軍至

叶

惠齡駐太和山軍營相機進剿今據馳奏

逆匪等因官兵連次奮勇勦殺暗於深沖口鳳

凰山添派匪徒踞守該處山高路險為賊眾緊要隘口

必須一鼓勦散方可直逼賊巢適福康安和琳自湖南

軍營派來協勦之鎮草鎮總兵富志那已到兩路批險

即與商定於二十一日黎明分兵兩路進勦

要奮勇入臨咫尺無不一當百羣賊逃披靡勢知不可當

五人親出跪

惠齡與富志那派撥已定該鎮即統率叅將許文謨佐領額貝等帶兵進取鳳凰山

惠齡自率副將額勒金保防禦台興等帶兵進取深沖

口該二處各聚匪徒數百人嚴密把守惠齡所帶官兵

直撲賊卡鎗箭齊發并用大炮轟擊登時殺死賊匪二

百餘人餘匪紛紛四散適富志那亦將鳳凰山之賊勦

散占據山梁兩軍會合見山後逆匪結隊直撲前來千

總劉健標先將手執白旗賊目射斃守備劉管城拏獲

賊目一人官兵乘勢直前人人奮勇一以當百殺賊二百餘人生擒三十餘人正在長驅深入之際逆首聶傑人見官兵驟至勢不可當料難逃竄即帶同匪夥熊太山等五人自山跑下直至軍前叩頭納命忠齡等即委員將各犯解赴營中看守一面仍督領官兵覓路追剿逆匪先於山坳各處埋藏地雷四處沖起賊匪隨聲分路而下以冀邀截官兵後路而忠齡等亦用大礮擊之督率兵丁奮勇勦捕賊勢力不能支始向內山逃逸時天色已晚因問其起事由則更他人委云惟張正謨白將官兵暫駐

蓮教首是乘虛恣搶攘圖利興奸鄙指日大軍進

官軍回營

即提訊聶傑人起事緣由據供稱伊子聶池向拜張宗文為師學習白蓮邪教教張宗文之師張正謨因地方官查拏甚嚴適見各處官兵俱調往湖南出征遂乘虛糾約同教謀為不軌衆人因其家道殷實推伊為首邀同

夥數百人攜藏器械旂帽符帖等物隨被該縣訪聞往
拏張正謨等即率眾抗拒搶劫糧石脅人入夥因聞官
兵前來先避入江家壩內今見官兵奮勇伊子鼎池又
為鄉勇所殺是以心懷畏懼早圖投出復為張正謨攔
阻所有逆謀俱係張正謨主持該犯並不與聞其劉盛
鳴亦聽張正謨約束現在同教者約有二千餘人餘皆
擄掠脅從反覆詰究矢口不移該犯等敢於光天化日
之下聚眾謀逆實屬罪大惡極今該犯畏罪投出將一
切逆謀均委於張正謨明係恃無質正藉詞狡卸惠齡
已委派妥員先將該犯迅速解京現在張正謨雖未就
擒而日前所調河南南陽鎮兵一千名陝西興漢鎮兵
一千名西安將軍恒瑞所帶官兵二千名又續調河南
兵一千名即日陸續可到大軍會合聲威益盛無難勦
洗淨盡正犯全俘迨解送到京嚴刑懲治以正國法而
快人心俾邪放根株盡絕湖北綏靜想
湖南苗寇亦即不日就擒捷音即至矣

正犯授俘通牢

縛並送京待至嚴刑理因思宿愛民良心孰無彼何當
有叛亂虔劉致民系繼念究予過教化未臻美五字仍
自責為愧非為喜

閩浙總督魁倫報洋面肅清及漳泉得雨情形詩

以誌慰

廢弛閩疆緣督撫明刑勅政日塵心

近年閩省吏治營伍諸務廢弛總緣

伍拉納浦霖二人負恩昧良貪婪屬員賄賂盈千累萬
遂致各屬侵虧倉庫腹削小民而洋盜充斥近至省城
十餘里內行劫客商伊二人置若罔聞並不督令文武
員弁實力緝捕以至政治大不可問去歲經魁倫奏

後不得不嚴加懲創以飭官常並節次
申諭整頓一切俾戢盜安良民食有濟
民窮因致洋盜

勝雨歎魚增望澤沈詰武茲聞盜斂蹟
魁倫奏查辦洋盜林發枝即李

發枝等家屬摺內稱近日南洋各口岸商販流通洋面
漸覺寧謐現在地方文武各官於南北兩洋拏獲盜匪
多名解省審辦自是盜匪稍知斂蹟但慮日久又或乘
間竊發仍嚴諭該督飭屬不時留心務須實力巡查搜
捕以淨萌蘖
賴而靖海疆

天幸宥澤施深
閩省前歲閏雨收成歉薄茲據奏該省
於去年十二月內各屬連得透雨入春

以後福州福寧興化漳泉汀州建寧等府又疊
沛甘霖入土深透二麥收成在即可期豐稔
更欣臺

米漳泉濟
臺灣一歲三收素稱產米之區漳泉一帶向
資接濟去冬今春該郡亦屢得甘膏正月以

來厦門商販入口之米已有三萬餘石穀四千餘石蚶江口商販之米亦有七千餘石漳泉米價自當日見平減小民口食益資充裕既慰既慚敢懈欽

暮春攜嗣子皇帝恭謁

東西兩陵是日啓蹕用成長句

有序

稽父傳子繼堯舜之禪遜承家仰

宗德

祖功文武之道佑啓後憶昨歲瞻

鼎成之地告越年行璽授之儀雖已轅周甲之期尚未

逮開元之始今則允符前願克遂初心太和典重
於大廷嘉慶頒頒於薄海緬紹

祖讓

祖之本志心慕匪虛疊歸政訓政之永懷肩仔未歇若

非

詒燕曷能左券之先操況迺垂鴻久篤前言之默祝仰

酬何極躬率維虔雖歲月以冀之長仍籲重來九

表

本擬庚申年予壽躋九十再謁
昨歲桃花寺行宮詩云九旬重至切予思今年

盛典慶成升香符願上酬

先德下訓後人禮

以時為大即宜躬率嗣子皇帝春舉上

陵之

典

而雨露既濡之愛允宜即舉三春且我國家受

天眷命紀元八號再繼丙辰

丙辰 太祖建號天命元年
乾隆元年暨今嘉慶

元年皆

丙辰

開國萬年三迴甲子

自今歲凡一百八十有

年一

作述積百廿之算春秋躋八六之齡閱博史未前聞焉

憑藐躬何修遇此雖慚大當可告小康廣輪闔益

地之圖乾惕夔御天之錄養民四輔稠施錢漕之

蜀省歲八徵順籲雨暘之若豐真開歲物總登春
清明之和暢經旬上巳之韶熙三日杖鳩千叟纔
奉爵於新正葱牕四推甫扶犁於吉亥兆姓惟壬
為任養百昌以子而孳萌是日壬子初發軔於天門顧
掖輦之子舍雖尚能磬控既言耄而可以御輿用
示習勤勞便承顏而最宜策馬思十全克成夫往
蹟佇三捷即聽夫今朝迓鑾輅而匝地歡欣翹

弓劒而

在天對越彼拜前拜後雖諸侯尚盛事之傳況文子文

孫皆

先世所垂裕之慶謁

珠邱而有恪

鑒寶器之克承想

祖宗下顧而歆然與皇帝偕奉以歆若里記建鼓什肇

和鈴

昨歲瞻

陵告授終能乎與否尚疑衷

予昨歲以踐阼六十年將於今春傳位嗣子因諫吉

閏二月中旬旬恭謁

東

西兩陵舉祇告授終之

典但其時距今歲尚有一年每念國策行百里者半九

十里之語能乎與否未敢自信乃寅荷

天恩

祖德竟得紀元週甲心願符初於今歲正月上日大廷

授璽付托得人仰蒙

天

祖眷佑如此優隆予

何忍即自圖暇逸且精神強固未減昔時是以訓政教

幾仍不敢

不自勉耳

天恩上日竟傳璽心願初年或匪蓬適百里誠九十度

付千葉那寸方窮興行馬從

去聲

垂常例

近年每逢巡幸啓蹕時予仍策

馬至遼間乘輿隨從之皇子等俱騎馬旅行此恒例也

我

朝家法肄武習勞萬年所當遵守是以此次嗣

金定巳居
皇帝仍乘騎侍行一如舊例予則以
年近九旬安與尊養禮亦宜然也

家法兼因詰武功

雨

三月初六日

平明方啓謁

陵蹕不遠由旬行館停過午春雲鋪靉靄速申甘雨落
濛濛正當昨日新耕

藉深幸嗣君沐

德馨

昨初五日吉亥子皇帝祭先農壇行藉田禮今
日午後即得甘膏約三寸餘仰荷神庥殊難

言喻因諄語子皇帝益
當敬惕以邀鴻既

顧語益應生敬畏斯須莫忘此

丁寧

喜晴

清曉合登程報霑三寸羸

據地方官奏稱昨日之雨三寸餘其實尚不止此今春雨

澤頻霑土脈本潤得此甘膏二麥更可期稔

雖泥弗致渾既霽協輿情

行程遇雨

本屬常事況春雨非若夏霖即稍有泥滓亦不致渾車馬為行李之累而倘晚登程遂即大霽衆情益悅

真

是

天恩厚難當已戒盈

子皇帝初次措田次日即霑優澤而今早隨又快晴天恩之厚

如此祇覺不敢承受惟當益戒滿盈仰酬
眷回顧子皇帝策騎隨行不能不諄諄訓告耳

吳策驄

諭嗣帝莫懈一心誠

題隆福寺行宮六景用去歲韻

翠雲山房

今春較去歲猶寒新葉仍遲衆樹端曰翠惟松無改色

似知予詠事將完

去歲以踐昨六旬符願恭叩
陵用申感謝今歲授璽子皇帝尤應

躬率展謁以昭祗告之忱是以行宮六景仍用去年韻
成詠即斯翰墨亦慶得全將來再謁
山陵駐此即

可不復各景分題階前松
色常青似亦知予意也

翠微室

明廷授受擬危微攜謁

東來

西曰歸謝滿六旬及禪去聲位勞勞途路孰言非

碧巘丹楓

楓丹巘碧尚時遙似覺色形寂聳椒應識華原出於寂
及華那免究為凋

天半舫

舫乎天半擬胥幻立字奚妨意寓微若論目前時與事
安名亦未必全非

挹霞叫月

霞來去任一時偶月滿半原萬劫應恒暫有無中得句
泐巖四字識予曾

翼然亭

即景如詩亦如畫題時非佛亦非仙卷中書滿應絕筆

去歲題是處六景詩以卷末書滿原擬再來不必每景
分詠今年以攜子皇帝恭謁山陵駐此似又不能

已於題什因命於卷末接
長紙幅書之亦無不可

笑此補篇自艱然

曉晴

三月初九日

昨晚生雲夜雨傾崇山傍曉耀曦晶謁

陵移日曷其可

謁

晚之雨倘及晚未止行禮諸多不便幸

備晚雲氣開霽

天字朗晴予率子皇帝得以從容藏禮

吉祥協應益微

吳佑元正授受可卜

天心之

藏禮蒙

天佑以明授受庶乎非大舛惕乾惟共勗真誠較於千

古禪

去聲

傳者惇史由他有定評

欽定四庫全書

御製詩餘集
卷三

十二

恭謁

孝陵

東土

重光紀

太祖肇基東土於丙辰歲建號大清紀元
天命在位十一年太宗嗣位紀元天聰至

九年改元崇德
凡在位十七年
中華百五年
治元
世祖定鼎中華自順

凡一百五十三年云
百五者紀成數也
六朝

帝命受元日太和傳

今歲元正於太和殿親授璽於子
皇帝既符踐阼告天之本願

又舉大廷授位之上儀稽古帝王禪位者唐虞為中天
威運而非父子至唐宋以後或過於事勢或自耽安閒

則以今日較之洵為千古
以來未有之吉祥盛事矣
攜子

鼎湖叩當春衷曲宣較於歷代禪謂勝彼昭然

恭謁

景陵

昨叩六旬年今攜子位傳

予幼齡仰蒙
養育宮中得日侍
皇祖恩眷

右親聆

訓言益

聖鑒洞燭至今隱有付託之

意每一念及感慕難名去春以踐昨六旬幸符告

天初願理宜恭謁
橋山虔申謝悃並敬告受終大

典今歲元正大廷授受更當攜率子皇帝重來展謁情

固不能
自巳也
未能定猶我深感賜由

天

上年恭謁敬告時距今歲歸政之期尚餘一載予之心願能符與否尚未能豫必今竟克遂初心實為伊

古

所難得之事非仰沐

天恩曷克臻此

祖有福超訓

昔予十二歲時恭侍初入永安莽喀圍場

皇祖木蘭行圍

良久

命侍衛引予射之欲予初圓即有得熊之名

予甫將上馬而熊復突起

皇祖復御火鎗殪之既

入向

溫惠皇貴太妃語其事因有福過於予之言

六十年來追念

皇祖深恩日有兢兢惟慮弗克仔

肩有負

在天之靈耳心殷永與淵

明樓九櫺畢悲憶

鑒忻然

孝賢皇后陵酌酒

吉地臨旋蹕種松茂入雲暮春中潄憶

孝賢皇后於戊辰三月十一

日大故偕老願
虛不堪追憶

四十八年分

自戊辰至今已
四十八年矣

攜叩新皇

帝酌觴太上君母應以子貴

令懿皇貴妃為子皇帝生
母從前殯入地宮即令近

祔 孝賢皇后之側今伊子紹登大寶晉
冊為孝儀皇后正春秋母以子貴之義也

名正順言欣

駐蹕桃花寺疊丙申詩韻

攜子叩

恩得禪

去聲

來六旬滿似

祖艱哉

帝王所罕親予登極之初焚香告天在位

得滿六十年即當傳位不敢上同皇祖六十一
以次遞增然其時予已二十五歲實未計傳位時壽當
八十有六乃竟幸符初願今歲元日授璽子皇帝而精
神強固勅幾訓政猶不減昔此更為史冊之所未有也

射熊殲虎況如在

康熙壬寅予隨皇祖木蘭行圍
初入永安莽客皇祖鎗仆一熊

伏不動久之命御前侍衛引予射之意欲予於初
圍即有獲熊之名也予甫欲上馬而熊突起皇祖

復御虎鎗殲之既而入武帳顧溫忠皇貴太妃述
其事曰伊命貴重福過於予又一日虞人告有虎

皇祖命二十一叔父後封慎郡王者往予奏願去
皇祖撫予頰曰俟朕往之日攜汝去似此深恩至

今已七十餘年如在目前每憶一念及輒不禁潸馬涕下也

惠寫悲迴以纔虛牖凌空紗暢俯流泉落澗石增培丙

申曾詠紅旗至

是處行館臨崖三間向南飾層窓可以眺遠丙申春駐此適阿桂奏攻克金川

噶喇依賊巢紅旗捷至於窓中即遠見驛騎馳到喜而
成什過日盼望福康安和琳擒獲逆首石三保石柳鄧
等捷音甚切迴憶丙申情
景惟冀相符以慰殷盼
盼捷猶然眉那開

雨 三月初十日

謁

陵返蹕喜佳晴山館憑窗盼捷旌

昨日駐桃花寺天氣晴朗憑窓還盼福康

安和琳擒獲逆首捷音冀如丙申
攻克金川紅旗報奏甚為懸切

銀漏丁丁聽夜徹金

興浙浙冒

天明固知沃野方欣透稍慮長途衆礙行曰雨曰暘曰
時若幻乎難定是人情

白澗行宮晚坐

卯行先

去聲

午駐常例衆知齊農慶如甘膏

去聲

役欣未澇

泥

農人喜雨行者怨人情類然今日雖遇雨而道
弗致澇衆人行裝仍俱早到亦可謂之雨全

兼逢

兩全幸誰識獨思憊西北風吹晚時晴想定兮

賦得春雨如膏

得稀字五言八韻
丙辰恩科會試題

十年艱一膏

去聲用小雅意

今歲幸頻霏孟月雪鋪野

今歲正月

兩次得雪四寸二月初旬兩次又得雪三寸至十四日復得雨六寸餘合計竟至盈尺已屬優渥

仲春

雨落圻氣和飄淡蕩風靜配淩激破塊誠何見噴泉則

亦非悠揚尺盈渥間

去聲斷次三飛

躡連初六初八初十等日連次得雨中間

旋即放晴而每次之雨悠揚綿密合計亦有尺餘扈從人等行李尚不至於泥濘稽遲北方似此春膏疊沛實為數十年來所稀遇農民歡悅不特優澤麥禾被餘恩可望麥收現在大田已種亦甚有益

草木菲穡祈實有慰農驗慶洵稀稽首增虔惕益惟慎

萬幾

總督畢沅奏圍攻當陽城賊情形詩以誌事

冒雨督軍直薄城

畢沅馳抵荊州後一聞賊匪佔據當陽縣城不待所調豫兵到齊即先督

率現有弁兵赴河溶地方整頓齊集犒賞鄉勇多方激勸奮勇直前先遣土人偵知賊人聞有官軍進剿豫令匪徒千餘在相距當陽十里之蕪家河北岸紮卡抗拒蘇家河為當陽要道必得搶佔方能渡河進攻縣城因於廿五日派荆宜施道高杞護宜昌鎮副將黃瑞等帶兵丁鄉勇分中左右三路沖出畢沅隨後督押將抵賊卡時鎗箭齊發殺斃賊人二百餘賊人不能抵敵鬼水棄卡逃回我兵即搭浮橋過河追逐適大雨如注晝夜不止官兵即於二十八日冒雨進發直前撲擊將賊人距城四五里外所設之卡全行奪獲賊遂捨命狂奔遁入城內我兵分攻四面進圍縈

茲據畢沅奏賊人竄入城中聚集醜類於城牆

之上悉力拒守適副都統成德南陽鎮總兵阿克東阿糧儲道舒永阿均於二月初一日齊到當陽會同商酌分為四隊同時齊發令高杞黃瑞帶領弁兵鄉勇從其南成德率同佐領貴福等帶領驍騎校兵丁從其北阿克東阿舒永阿帶領河南官兵從其東遊擊烏爾卿額什圖等帶領弁兵從其西四面圍攻並檢閱賊人所放鎗炮中鎗子多鉛條鐵丁石子之類知其不久即可攻破悉數殲擒

向牆鎗礮發逾震據

堞蟻螻倒應聲

官軍於四城門外各設大礮數尊轟擊現在東面城樓已經擊坍四周城身亦

漸有裂縫之處因令就裂處盡力轟推晝夜不息賊人雖於女牆之上用木版遮擋而官兵鎗礮齊發賊人應聲撲倒者不計其數且稱各屬鄉勇或願保守村莊或願從兵殺賊人人奮勇爭先並因恨賊切齒又皆認識者多各鄉勇盤獲有身帶符籙及衣服內有紅白布條為記者即皆撲殺合之官兵所殲亦已不下萬餘數

欽定四庫全書

御製詩餘集

日之間期可破羣奸其黨俾無生微嫌失算用下策原

我官城勞重營

官軍用礮轟城固亦一法但賊踞官城與自守礮若不同此時但知摧毀捕賊

賊平後仍須補築未免徒費帑項何如設法攻圍聲東擊西俾其潰出設伏擒殲尤為上策乎

煙郊行宮遣悶

往還六日間迺值三朝雨

初六日啓鑾駐煙郊行宮後即得雨迨十一日還至此處

中間初八初十復得雨兩次幸初九日謁陵天氣晴霽而六日之中晴雨相間扈從行旋俱不致礙春

季所艱得優霑利麥黍却未誤瞻

陵亦匪礙行旅似此心宜舒弗舒非別苦湖南征亂苗

湖北邪教鼓

湖南逆苗恃其地險負隅抗拒福康安和琳設法進剿賊勢已蹙現俟續調滇粵大

兵到齊即可擒渠藏事而湖北荆州等處又有邪教匪徒乘伺營汛空虛勾結滋擾現經督撫分帶大兵勦辦

雖頻得勝報縛逆尚待覩

福康安和琳攻圍逆苗雖屢獲勝仗而首逆石三保石柳

鄧等尚未就擒至湖北邪教作亂雖已將起事之聶傑人俘獲解京各處殺賊不可計數賊人喪膽漸潰而首犯張正謨亦尚未據單沅惠齡馳奏擒縛為之縫念計此時兩處軍營所調官兵早已齊到惟望同馳捷奏以慰懸切耳

遣悶吟五言先憂固吾所

總督畢沅巡撫惠齡奏勦殺湖北邪教賊匪情形

因降旨蠲免被賊各州縣錢糧詩以誌事

湖北邪教民作亂肆狂狙因征湖南苗兵往綠營虛紛起恣搶劫勢不可爬梳督撫率軍旅速勦期靖諸撫既

獲首醜解京馳驛途

湖北鄭陽府屬竹山等縣地方前歲有邪教匪徒滋事雖大加懲創

究搜捕未淨今歲二月初因湖北綠營兵丁各調赴湖南勦苗營汛未免空虛匪衆乘釁生心猝於荊州府屬之枝江宜都等處起事搶劫滋擾署巡撫惠齡在荊州辦接濟湖南軍餉聞信即帶兵勦殺賊匪百數十人官軍追至鳳凰山而總督畢沅在辰州聞報亦即馳回會同督辦嗣畢沅又聞當陽等處亦有賊猖獗旋即回赴荊州督辦而福康安和琳自湖南軍營派總兵富志那等前來協勦惠齡當即分兵兩路奮勇攻克鳳凰山深冲口殺賊甚多正合圍剿入之際逆首聶傑人自料力不能逃竄即同匪夥五人至軍前叩首乞命惠齡將該

犯等械繫解京並訊起事緣由該犯供稱尚有張正謨
為傳習邪教首惡現在屯踞灌灣腦山巔冀圖抗拒續
據惠齡奏連日大雨賊人潛來窺探官兵冒雨追殺斃
賊甚多用礮攻擊賊勢窮蹙設法分兵於山後覓路
壓下使賊腹背受敵俟所調兵督迴赴荊州鎮靜民安
到即可一鼓殲擒全俘首逆矣

居賊時陷當陽遂以據城鄒率兵急進勦經畫皆合謨

軍沅馳回荊州安撫地方民心鎮靜其時賊匪已將當
陽攻陷佔據城池卑沅隨即帶兵馳赴該處先將賊人
設卡之蘇家河要路派將弁兵勇三路前進攻克直薄
城下隨又分兵四面圍攻賊人守城者被官兵鎗礮齊
發擊斃甚衆並據荊州知府崔龍見報稱正在購料製
礮工匠因國香稟稱關帝廟旁土中見有礮位隨
即刨出大小礮六十二位礮子一萬六千四百餘顆分
派各營應用益徵神靈助佑當陽之賊指顧可擒

據奏各處情形賊匪漸就殲除俟各路弁兵到齊烏合之衆不難殄滅旦夕捷音當即馳到耳續調兵

繼至賊勢漸趨維待大軍合殲兇盡掃鋤因念被擾

民家室或空如今年應納賦合與全蠲除

前因湖北賊匪滋擾已將

枝江宜都長樂長陽東湖當陽遠安七縣降旨緩征節次據畢沅等奏歸州興山南漳穀城宜城光化均州竹山竹谿房縣保康來鳳等州縣並姜晟奏湖南之龍山縣孫士毅奏四川之酉陽州均有賊匪搶劫雖指日可以平定而地方經賊匪蹂躪未免流離且各處鄉勇出力勦賊可嘉因加恩將被擾之十四州縣及前經緩徵之七縣本年應徵錢糧一體蠲免以示優恤而昭激勸並諭地方官實力妥辦俾良民咸霑實惠焉仍勅

地方吏實惠敷鄉閭

江蘇巡撫費淳報春雨頻霑詩以誌慰

北省今年春雨均江蘇佳霽報斯臻

費淳前奏江蘇省正月間屢得雨澤

茲又據奏二月初四初九十五十九二十四五等日省城連得應時膏雨並江寧松江常州鎮江淮安揚州徐州太倉通州海州及所屬稟報一律均霑豆麥春花得此渥澤滋培極為茂實欣近遠叨

洪貺益切肝宵惕藐身足食足衣應則順湖南湖北亂

邶頻

予數十年來從不遺澤普免正賦五次漕糧三次其他偏隅蠲賑不可數計又邶

豐小民衣食俱足可謂大順乃湖南則逆苗滋擾湖北則邪故糾連雖不日俱可蕩平而駢首就誅誠不可解况該二省昨年皆屬上豐何以甘心肆逆自櫻鋒刃覩斯蠢頑直堪痛恨咄哉此語又成失

責己何須更責人

入南海子叩

元靈宮作

元靈宮肖

光明殿順治之初敬構成七十四年如一日

元靈宮在小紅

門內西偏順治十四年建奉

玉皇上帝仿京都

光明殿之制予自十二歲隨

皇祖來此瞻謁至

今已七十
四年矣

雨暘時若叩今誠少過

平聲

老至惟蒙

佑夕惕朝乾那盡情衛士依然備小獵觀而弗試命與

行

舊衙門行宮即景

十二齡茲八十六

予十二歲時隨至此今閱七十四年矣

皇祖

七旬有四

此煙光春風秋月曾無改意樂心憂曷有常外靖內安

思昔詠

乙巳十叟宴畢坐重華宮得句有內安外靖昇平世之句茲月正元日授位之喜重開千叟宴

由今思昔轉覺恧然

殲苗平楚致今忙

湖南苗匪滋事雖經福康安和琳屢戰克捷大加誅

勦並將首惡吳半生俘獲解京而二逆石三保石柳鄧尚未就獲又湖北邪教乘釁糾眾肆逆雖亦經惠齡將逆首聶傑人擒獲械繫解京其主謀之張正謨尚未就擒披覽馳章殊勞繫念依然書屋憑窓

坐慙愧人稱太上皇

御製詩餘集卷三

欽定四庫全書

御製詩餘集卷四

古今體四十八首

丙辰四

山東巡撫玉德復報得雨詩以誌慰

謁

陵迴蹕際前後雨逢三

昨恭謁

東陵往還數日之內遇雨三次却幸間日間霽不

至泥濘是以麥禾倍見長發而衆人行李仍俱早到

弗濘路途適既優田隴漸齊

郊同日被

茲據玉德奏東省自二月下旬得雨之後業已經旬麥禾正資膏澤本月初十日濟南省

城自已至亥得雨三寸近省之齊河長清章邱等縣亦
報得雨二三寸不等其各屬是否一律均霑俟報齊再
行具奏等語春膏廣沃竟與
此間同日霑被深為慰悅
春膏聲屬區覃去歲稔登

繼戒盈敢詡談

又去歲東省收成九分膏稱上稔而今歲
又獲春膏優渥麥禾豐稔可期仰荷

吳恩惟當以盈滿
為戒敬勤實政耳

團河行宮作

南苑例兩宿乃至黃新莊

恭謁

西陵由煙郊至黃新莊取

道南苑幾及二百里是以每次
於舊衙門新衙門駐蹕兩宿

舊宮莅新宮

即新舊兩
衙門乃前

明中官提督海子官署順治年
間即因之為行館屢有詩識之
相去廿里強途近值多

暇繞道遊何妨團河實行宮建因疏治方

團河為鳳河之源乾隆四

十二年因水源未暢命加疏濬因就其旁構築數字為行館以供臨憩

是即鳳河源引流

刷清長

團河經疏治之後水源旺盛出南苑陂為鳳河東南流歷東安武清境至天津之雙口與永定

河會藉潞永定之濁又東至韓家樹入大清河歸海略築齋閣樸亭臺間去置傍

乘閒聊一覽花柳佳韶芳均緣甘霽優萬物庶春光五
字識心慰既慰仍徬徨曰此復何繾綣勤在捷望

團河行宮八景疊甲寅韻

璇源堂

美玉由來得號璇然乎斯可證其然設於運斗品次第

春秋運斗樞稱北斗七星第二曰璇

產處奚論方與圓

淮南子云水圓折者有珠方折者有

玉

涵道齋

物成形必有多稱水那知涵但自澄齋側書齋額涵道
涵乎澄也究誰能

歸雲岫

今年春雨誠優渥假岫真雲任所歸一路菁蔥看麥色

農祥稽首謝時機

珠源寺

有流合識有其源永定通津賴濟渾

鳳河之水發源於
國河東南流與永

定河匯蕩滌沙渾
寺臨團河上顏曰
珠源以祀

龍神畿輔羣生資樂利

康熙疏治久垂恩

康熙年間畿輔水利湮塞民田受浸
屢命河臣疏治並親巡津

淀指示形勢發帑挑濬建置臨壩至今百
餘年來宣洩有資民間得享樂利之福

鏡虹亭

鏡非銅鑄假名鏡虹不雲拖幻喻虹碧水虛亭焉識此

笑安名者祇空空

狎鷗舫

偶因乘暇翻唐句
盧杜詩中得狎鷗
笑彼猶然懷列子
盧照鄰騰沙起狎鷗杜甫狎鷗輕白浪
皆舫斯無下亦取列子海上人有心鷗鳥舞而不下之意

無憂

漪鑑軒

漪為實象鑑虛名
虛實之間寓意精
設以南華齊物較
無風息照乃其平

清懷堂

八景茲來果稱懷拈吟觸目得清佳便宜最是今春者
曰雨曰暘總弗乖

良鄉道中作

今年又繼昨年行告滿告傳各叩誠

去年歲以踐昨六句
年滿得符始願恭

詣

東

大廷傳位更為千古以來所希見蓋當躬率子皇帝重

來展謁兩度虔心祇告
情不能已禮亦宜然

得致此惟賴

天賜感無極那盡衷情較于古實希雙福以獲斯因益

屏營更幸春膏

貺優渥憑輿綠麥閱葱生

題永慕齋

向每隔年至今成連歲來無非事也敬茲授政之纔那
得恒斯憩明當又惜迴更因盼捷信不寐幾徘徊

恭謁

泰陵

昨至歲叩心願

去歲以踐阼六

旬得副

初元告

宗恭佑得克臻天

此是以敬叩
陵祇告考成仰冀

東

垂鑒 西兩

茲來今攜子躬
月上日

大廷授璽竟遂初心益感

燕翼垂庥自應
山陵用申感慕之悃

六如六

旬閱一瞬一年忽禪聲典惟今舉總師較古崇

禪授之
典肇自

唐虞然非一家父子若三代後唐宋兩朝內禪尤不足

比數今仰蒙 吳貺明廷授受為千古第一全人更

幸精神強固訓政勅幾常如
一日感荷之私尤不可言喻

孫謀仰

貽厥敬念蹟非同

昔年 皇考於圓明園之牡丹臺
即今四十景內之鑊月開雲處也恭

來 皇祖膳時以予名奏聞

育宮中是予得侍 皇祖蒙 恩承 訓而今

子皇帝生於乾隆庚辰未得親
見 祖面感慕自當不同也

恭謁

泰東陵

弗許即倦位

慈恩願永年

昔曾以即位初告
年即當傳子之語奏聞

天若得在位六十
聖母仰蒙

慈諭云如此皇帝敬
致不敢自逸若云屆期歸政不特中外

祖勤政愛民致
臣民皆所弗願

即予亦弗
肯許也

斯言實感已翼日更陳

天

手每日晨起
蒼若我

聖母拈香叩
壽逾期

頤

天次日即敬祝
則臣必不敢即歸政

上
詎

意丁酉歲所望已虛無窮抱恨今仍如初志傳位嗣子展叩追維曷勝悲慕詎料未符望而

今竟與傳

明樓茲展拜追憶痛茫然

秋瀾行宮晚坐

叩

陵旋蹕駐行館六十年同一日觀廿五所艱八五獲予登

極之日焚香告天冀得在位六十年即當歸政而彼時予已二十五歲未計及歸政時壽當八十有五也

乃竟幸符初願非荷祖恩佑曷克臻此

天恩並賴

祖恩敦始終典禮胥符願

此行往返半月餘途中暢雨應時農田既沾渥澤而叩謁

從容展禮是皆仰邀

兩陵之日又幸天氣晴明得以

吳賜耳繼續旰宵敢自寬

蹕途披覽庶務訓示子皇帝無異平時所幸精神康健不以為勞實亦不敢自寬也

迴望寸衷兼

望九

謁

禮畢迴望

珠邱彌增依戀得蒙

眷佑壽躋九旬仍當躬車子皇帝恭詣展誠用

中感春瀾俯合號秋瀾

迴蹕至御園即事有作

行程往返里將千

自啓蹕恭謁迴鑒往返行程

九百九十二里言千

里者衆
成數也

陵謁

東

西藏禮旋渥野春膏早二月

去春雨澤至三月中旬以後遂得霑足麥收九分有

餘今歲則二月已屢被優膏三月又連次得雨深透且去歲又逢閏二月是較去歲早二月二麥可冀秋豐

征苗軍事憤週年

去歲此時福康安和琳已會兵一處攻解楚南永綏之圍痛殲逆匪相機

直搗賊巢籌擒首惡日望報捷不覺日居月諸已閱一年大概貴州四川山勢險峻不若湖南之甚而湖南苗匪又多於川黔兩省是以逆首石三保石柳鄧雖已窮蹙無可逃竄而俘獲不免需時近又添調廣東廣西雲

南四川等省兵共二萬餘軍威
蓋盛旦晚諒可奏到捷音矣
憑輿朕策馬嗣皇羣觀

慶示政披章戒怠愆

每日駐行館後批閱奏章指示書
旨即令嗣皇帝觀看以示勤習庶

政雖蹕途無
敢怠愆也

雖曰倦勤敢勤倦誠昏耄則付全專

予始

政後即可頤志遂初不復勞心萬幾今賴
祖眷佑精神強固一切幾務正當隨時訓示俾予皇帝

得所遵循未至倦勤何敢自耽安逆一切弗理且予自
去歲籌辦楚南苗匪一事迄今已近成功若委之子皇

帝既慮未能經畫裕如心亦有所弗忍況予皇帝初登
大寶予尚能躬親庶政訓誨周詳豈非天下臣民之福

曠古以來未有之盛事然望九之人不可奢
言若果至耄昏則當全付嗣子一切弗問矣

再題春雨軒

花朝詠春雨已是幸鮮遇暮春啓蹕初又復逢嘉霽行
途及謁

陵諸事全弗誤往還觀好麥大田種以具是宜幸寬心
而何忤每屢誠緣望捷音懸企生煩慮御苑撫韶光興
懶吟佳句庶幾凱報來徘徊數入聲南顧

無倦齋口號疊去歲韻

昨年七字謂明春

去年題是齊詩有明年即作倦勤人之句

明忽為今候至

身

天錫倦勤亶符願仍勤敢倦作閒人

五福五代堂題句

往還途路經千里身體康強非飾言盼捷依然勞已慮

蹕途接到福康安和琳奏大兵逼近賊巢現又攻獲平
逆坳山梁繞路進取平隴逆首無難就擒並畢沅惠齡
奏分勦湖北邪教張正謨等亦可速行俘
獲今又數日依然盼望捷音為之焦切
籌農誠是沐

天恩
自新年以來雨澤連綿十分需足不但麥田益資
長發而秋禾皆已佈種
天恩優渥實為近年

所罕
觀
乾隆並以憲書紀
予踐阼之初焚香告
佑在位六十年即當
天若

傳位嗣子皇帝是以上年九月以孟冬月吉即頒頒朔
先詔立皇太子以今年丙辰元旦授璽後即建元嘉慶

頒朔中外其時皇太子率王公大臣等具摺籲請仍用乾隆年號統於一尊愛敬之忱實為懇摯因念子臣至情不能徑却遂允所奏凡普頒天下之憲書其帙後紀年自當由嘉慶元年丙辰溯自乾隆二年丁巳用昭授時大一統之正至備進遵照康熙六十一年時憲書之式遞年增載乾隆年號者但止須百帙以備宮庭及頒賜御前親近大臣之用此實曠古未有之盛事俾閱者遞年增衍遂其欣悅之忱然予自問初元熙祝不敢上同皇祖紀元以次遞增之本志仍不能不為之微獻耳

嘉慶無之愛敬

用孝經句意

尊諸願都全合無願笑仍望九望來孫

予仰沐蒼眷佑為帝王

吳

中第一全人曷敢復有奢望即今自揣精神強健距九旬不遠而元孫載錫計其時年已十七予或可得來孫之喜更為伊古所希有也

暢襟樓

樓據湖中央

是湖為園中最大廣
廓者向名福海

四面雅宜望因有暢襟

名畫意鏡面漾是實還是虛胸襟原可暢而我值盼捷
南瞻益惆悵似樓隱笑人底須拾級訪

古玉一枚非珮非環命玉人做為之戲成口號

古玉非環復非珮玉人聊命做為之不知何器弗適用
封建井田笑若斯

山東巡撫玉德陝西巡撫秦承恩各報優雨情形

詩以誌慰

山之東與陝之西欣獲春霖各速題左近右遙先後異

泰承恩於三月初八日發摺玉德於三月二十三
日發摺同時到京緣山左距京甚近而陝西較遠仲膏

季澤昨茲齊

泰承恩前奏陝省各屬於本年正月已得
雨澤茲又具奏通省各屬於二月十三四

等日先後各得雨四五寸及深透不等復於十七八二
十五六等日各屬壺沛甘霖一律霑足大小二麥正在
發榮滋長連得霽澤滋培實為夏收豐稔之兆玉德前
奏山東省城及附近之齊河等縣於三月初十日得雨
三寸茲又查明濟南府屬之德州鄒平等十二州縣泰
安府屬之泰安等六縣武定府屬之惠民濱州等九州
縣兗州府屬之滋陽等八縣沂州府屬之蘭山莒州等
三州縣東昌府屬之聊城高唐等七州縣登州府屬之

蓬萊寧海等八州縣萊州府屬之掖縣平度等七州縣
青州府屬之益都等九縣臨清直隸州并所屬之夏津
等四州縣均於三月初十至十四等日各得雨二三寸
及深透不等不惟二麥益加暢茂即早穀高粱亦已漸
次出土農民甚為歡慶該二省雖具奏先後不同而昨
今廿七八兩日接連到京之日則齊也披覽之餘並為
欣慰

面咨三輔洵稱足

月初恭謁定來迎面詢直隸春兩情形據奏

省城正月初間得雨與京師相同各府屬地方先後亦
均得雨霑足為近年北方所罕見至三月初六初八初
十日三次途間所得之雨尤極優渥據稱各處稟報並屬
相仿二麥菁蔥滋潤可獲豐收

心憶兩河

正在溪

豫省大河南北前據該撫景安奏二月內各屬
均已屢次得雨至今幾一月未據續報霑膏此

時麥田正當長發之際必須繼需更足以資芟茂今直
隸山東陝西均報得雨霑足豫省地界毗連諒亦同邀

渥澤而馳奏未
至深為懸望

今歲農功誠萬幸佇來捷信獨忙兮

詠和闐玉山水圖口號

留其黃浸為山色就以白垂作水流事半自然得功倍
子輿氏語有根由

憶楚

楚在春秋稱異域久哉中國為民田弗率徂征帝已命
時格時亂自古然乙卯之變突爾起曲直

昭鑒惟賴

天去歲逆苗石三保等滋事實出意外朕數十年來從未諭及苗疆召對大小臣工亦從無改流之事而逆

匪自作不靖曲直之天鑒自昭北兵近南謂湖北湖南多赴勦邪教趁此

興白蓮白蓮教屢經破案誅遣根株未絕前年湖北竹山曾經嚴辦不意今張正謨等仍復煽惑乃因

湖北官兵多調赴征苗起釁適在宜都縣撫誅百五軍匪衆遂爾乘機竊發

威宣賊匪遁走據險守繼進縛首獲未全撫臣惠齡在荆州聞報即

帶滿兵三百名馳往拏獲一百五十餘人正法探得逆匪踞守深沖口鳳凰山帶兵追勦適征苗二督臣福康

安和琳聞信派總兵富志那前來協勦又殺賊匪數百逆首聶傑人見官兵圍勦嚴密即同匪夥五人匍伏乞

命稱主謀實張正督抵當陽戰屢勝攻城賊復守堅謨此賊尚未獲

督臣畢沅聞賊據當陽即馳赴該處勦殺多賊用大砲轟擊已將東門城牆打開並為首逆僧轟斃賊忽從北門湧出我兵回擊相持不及究因兵少待後調聲釜中隄防賊又堵壘缺口拒守

魚乃命苟延

畢沅所帶兵止八百餘名而續調之兵未到故賊匪得以暫延殘喘

賊首主

謀未盡獲蜂屯蟻聚各縣連亟命陝豫發勁旅接境諸

臣經理賢蜡玉逃匪潛伏匿分兵截戮五百焉

張正謨未獲而

襄陽鄖陽等處賊復響應因命將軍恒瑞總兵文圖帶兵三千進勦據泰承恩奏文圖在蜡玉河殺賊四百餘

并逃匪五百餘全行勦滅

遠安等救當陽者襲斬千百奮力前

畢沅恐匪

黨來救援預為設伏果有遠安賊衆來救迎殲千餘賊勢益蹙

近報將軍已至楚殲斃

活捉賊三千

恒瑞兵抵竹山連夜攻打賊二千餘斃獲一千餘擒獲賊目武明山翁明遠磔死

俟勦盡房縣保康之賊即與畢沅合兵勦寇至來鳳縣與四川連界亦為賊踞據孫士毅奏陝川兵一到設法勦捕而患齡亦奏賊人糧缺勢不能久候廣東兵到即可直擒首逆藏事督撫所待川粵旅

亦將全至雄駢填佇俟逆首齊就繫餘孽掃淨安閭

閭叶嗟哉楚民頻受害誠予德薄非民愆憶楚之作實

自訟跼蹐把筆慙撫箋

題獅子林十六景

維則獅林始創宗不忘授受本中峰

世傳獅子林為倪瓚別業以瓚有獅

子林園而附會之其實非也璣圖藏石渠寶笈其自識
有如海因公宜寶之云云及查徐賁為如海作獅林十
二景幀有陸深跋始知為僧維則所居如海乃維則三
輩弟子也維則好聚奇石狀類狻猊因以獅子名之或
云維則得法於本中峯本時住天目獅子巖以獅子名
園不忘授受所自此說得之迨後倪璣徐賁皆為如海
作獅子林圖自中峯至如海凡五世獅林之由來蓋自
維則之不忘其師始也茲御園有獅子林十六景避暑
山莊有文園獅子林十六景皆仿象
吳中邱壑為之前後臨憩屢經題詠即今御苑塞莊裏
笑我無端又倣重

右獅子林

徐為方冊倪長卷俱有浮橋渡浦中

徐賁為如海作圖
係方冊分繪十二

欽定四庫全書

卷四

輞僊璣則合寫為長卷各極妙趣奇圖十二幀中有小飛虹一景璣圖亦有小橋渡入浦中向名此橋竟與倪徐二圖不期而合想像遙因憶吳下不孤一例幻稱虹

右虹橋

砌石為山號為假三原一也一原三既云假矣真何在真假由來總覺談

右假山

堂為實者景為虛堂為實境景則四時各異而無定象然要皆於堂中納之則景雖虛而不

虛實境是在茲斯堂者自領會之耳景以四時堂一廬虛實之間問誰納

笑孤納者却誠予

右納景堂

倪蹟閣中珍六種其真其贗尚存疑

倪璫清閟閣多蓄名人書畫是閣數

典倪迂因將石渠所藏璫畫江岸望山圖雨後空林圖竹樹野石圖三種藏此閣中其萬壑秋亭圖巖居圖溪亭山色圖三種藏避暑山莊獅林清閟閣中以副其名然內府倪蹟亦不無贗鼎閣中所貯雖選佳者而亦難盡信為真面也

幼文未免心生忌

倪璫徐賁同繪獅林乃閣中貯雲林畫而無幼文之蹟幼

文或不免以艷羨生忌然閣名昉於高士自不妨存倪而略徐耳

或許無名却是宜

右清閟閣

向恨無花今有花

紫藤春暮始花向年題此均在正月為期尚早今歲吟詠正值花時綴架

絲英顧之宜增欣喜然予以盼捷心殿仍不能不怵怵減興耳

芳英綴架任飛斜架誠

喜矣予增恨露布望怵興轉差

右藤架

假山亦自磴歲礮苗境險當百倍斯陡念我軍擒逆首

惜勞千里一時馳

逆首石三保石柳鄧等自作不靖萬難倖免惟地勢險峻視此間磴道礮

磊奚啻百倍福康安和琳等督率官軍攻圍剿戮不可勝計現在續調滇粵大兵到齊不日即可全獲而經年

勞苦之狀每一念及深為憐惜

右磴道

巖巖頂平四柱披迴凌尋丈俯觀宜設無峰者亭誰占
寸木岑樓可喻斯

右占峰亭

淑冶春光漸闌謝清和節候始循還邇來盼捷心焦切
清淑片時憩取間

右清淑齋

香幢自是梵家法番

喇嘛漢和

尚相傳各有言若謂吾心崇

佛道喇嘛著說正規存

同佛教番漢經典本一而名稱不

佛法而從不與此輩講論至番僧喇嘛則以西番蒙古語講經向年前輩章嘉國師在時曾偶與之論晰禪理亦不過習其語言以聯衆蒙古之情初非及於政事也蓋蒙古傾心信佛興黃教即所以安蒙古關係甚大自國初以來達賴喇嘛班禪額爾德尼轉世襲封相沿已久用寓綏懷藩部之意然非若元代之崇奉喇嘛政之者截手詈之者斷舌甚至怙勢恣肆氣誅熏炙為害四方其弊不可枚舉至其呼土克圖相襲必覓一聽慧有福相者為呼必勒罕即漢語轉世化生人之義大佛本無生豈有轉世但不用其法則數萬番僧無所皈依故不得不仍其舊乃近來風氣日下各喇嘛所舉轉世之呼必勒罕率出一族兄弟叔姪遞相傳授幾與封爵之世襲無異若不為之剔除積弊必致黃教不能振興蒙古或至輕視別生事端甚為可慮是以前年平定廓爾

喀後特命製金奔巴瓶頒發藏地供養佛前遇有呼必勒罕轉世時令各舉數人書名置所供瓶內會同駐藏大臣公同簽掣定之其各蒙古之呼必勒罕亦令理藩院行文如藏中之例貯名於雍和宮佛前之金奔巴瓶內令理藩院堂官會同簽掣庶幾杜私弊而息紛競為一定不移之制詳見予向所製喇嘛說中此實釐定中外喇嘛傳授大公至正之道也

右小香幢

不少讀書今古人其間誰果稱去探真既思真必有假對去假猶為功半因

右探真書屋

虛牕延景四時宜千里捷章尚未披更上聲上一層樓望處由來在彼在非茲

右延景樓

畫舫今年信可遊

每歲初春來此湖冰未泮畫舫猶收鵝中延佇留題名不副實今年春雨

十分霑足湖水充物較勝常年允宜畫舫之遊正不必數典米芾書畫船及歐陽修之畫舫齋也不須

頻舉米和歐往年春孟今年季一例悠然同水流

右畫舫

雲那為林石非室幽人假藉正無妨笑予勞者奚堪擬

一再安名盤

謂田盤

與閭

謂吳下獅子林雖傲蘇州而御園及避暑山莊之十六景則

係新與之名此雲林石室又肖田盤之額也

右雲林石室

襟山帶水敞軒清水態山姿上下明借助微風相映處
活成一碧畫鋪橫

右橫碧軒

渡門向每用冰床春暮欣茲可泛航

往歲孟春來此湖冰尚堅皆用冰床

涉此乃內監司事者率強以人力椎鑿其意在於獻勤而實可厭茲值春暮波流活活可以泛航似饒佳興

盼捷無聊吟七字百篇聊藉補為長

近因楚南蕩擒苗匪首惡及勦洗楚

北邪教日內捷報未至殊勞盼望偶此臚吟用解煩悶亦緣黃綾上本往年皆以三月以前書滿百篇而此時百篇尚餘數頁藉此亦可以足其數耳

右水門

四月朔日微雨六韻

三春甘霽渥實幸異尋常廿日暄晴久却仍冀霈霂不

知足如是

今歲正二月間屢沐甘膏三月上旬三次得雨霑足連勝往年惟距今又已兩旬雖田中

不至急於待澤而此時二麥正當含穗未黍亦已抽秧日內若得霈霂自當益資暢遂向於盼望雨膏每不知

足然予仰蒙 吳恩備臻諸 恒覺苦應當訝值三番

福雨暢勞念亦屬分所應然 近日陰雲布濩大有雨意乃今朝飛灑三次未及

霑一寸幸而雲氣尚濃風勢亦息惟盼優膏續霑耳 未

霑一寸強麥薺逮孕穗禾黍始抽秧雲吐風無作庶幾

重副望

觀麥八韻疊去歲詩韻

去歲春閏今歲無而麥芄如去歲長 去歲於閏二月中

旬謁 陵三月

初旋蹕途中見麥苗長發今歲於三月初間謁 陵

廿一日迴蹕御園所見麥色與去歲無異但去春有閏

今春無閏計 因雨較比去歲佳盈尺潤深高下壤

上春有雨

未優幸賴前歲冬雪霑足地土本潤是以麥苗茁遂若今歲新年以後疊被優膏至於盈尺田功故較去歲為

早泰禾骨種吐綠苗更勝去歲青蔥象

今春不特二麥蔥茂即大田佈

種泰禾亦皆吐綠似更勝於去春

而何逮一月久晴心望佳霽期每與

自三月上旬三次得透雨後逮今晴已一月之久數日來雲陰屢佈雨意頗濃乃旋又風作開霽雖月之朔日

亦曾微雨飄灑而不及一寸望澤之心又覺日增矣

切惜優渥被春膏滿希可卜

豐收廣

今歲春膏優渥實為北地所希親心希麥收可以上稔昨於御園高處劉視不過土面寸許為

風日所炙略覺乾燥其下土脉尚屬潮潤若日內即得時霽甘霖二麥正資長發或可不孤所望耳雖昨

美田觀麥苗蔚鬱拔秀堪冀穰四月下澣結穗時

農詢之

云歷年以來四月杪二麥方始發穗此時得雨尚不為遲然望澤之心不能不為之殷切可待切盼霏甘沆焦勞曷勝望雲愁宵旰殷殷望捷想

山東巡撫玉德續報得雨詩以誌事

省城暮春初得雨飛報得知同此際

三月間玉德連次奏東省自二月初八日

各得雪雨以後至三月初十日濟南省城及附近州縣各得雨三寸其各府州屬亦於二月初十至十四等日得雨二三寸及深透不等正與京畿三月上旬頻霑優澤之時大略相同即今續奏各屬霑

或致霑足或寸四

嗣據續奏督辦赴楚官兵於四月初四日至曹縣途次得有澍雨茲又奏

稱濟南府屬之歷城長清德平泰安府屬之滋陽嶧縣汶上沂武定府屬之濱州利津兗州府屬之滋陽嶧縣汶上沂

州府屬之蒙陰曹州府屬之荷澤單縣城武曹縣定陶
鉅野濮州范縣觀城朝城東昌府屬之聊城莊平冠縣
館陶萊州府屬之掖縣平度膠州高密青州府屬之臨
朐安邱濟寧直隸州並所屬之金鄉等三十三州縣均
於四月初四初六等日各得雨二三寸及深透不等
現在農田正需雨澤得此甘霽應時麥牟可期豐稔秋
禾並見發榮此外未經報到之處
現在飭查另行具奏等語 不惟二麥可期豐禾黍

發榮大田暨幸哉近郊農象同月初却闕甘膏繼馳詢

保定被澤否稱一二寸深透未

京畿春雨優霑農兆甚佳乃自三月初十以後

至今將及一月未得繼澤而梁肯堂自前月中旬奏直
隸各屬得有透雨後至今未據續奏亦即馳旨詢問茲
據覆奏兩旬以來省城間有微雨其保定順天河間廣
平大名深州所屬之高陽等十九州縣於四月初四五

六等日僅得雨一二寸不等然近日雲氣四佈遠近可冀共需又稱今春雨澤至優現在未經續霈之處地土甚為滋潤並無乾燥之慮等語所奏固係實在情形但予縫念農功六十年來每切先憂此時雖距麥收尚早惟慮因循日久不能不盼甘霖速霈耳

以此沖沖切盼霖每惜雲生突風忌嘉苗實可冀稔收恐孤初望方寸惴或云今歲愁過早愁早六十年余志

詣玉泉山祈雨作

今歲春膏勝去年去年有閏今無閏去年祈雨孟夏杪前歲冬雪優霑是以去歲春雨雖不及今歲之優而麥苗尚資餘潤自三月廿九得雨後幾及一月未蒙繼澤

因於四月二十八日詣廣潤祠虔請即於是日夜間得雨三寸猶憶次早自昆明湖泛舟至玉泉山謝澤舟

中復值霽今歲四月中澣慙今歲正二月雪雨頻霽三雨優渥

為霑足乃距今將及一月與去長且待遲短翻疾是中歲情事相同不覺望澤復殷

有故因農迅去春有閏待至四月廿七為日甚長始至廣潤祠祈雨今春無閏茲方四月中澣

為日較去歲甚短而今年祈澤視去年乃早者蓋因今歲春澤甚優麥苗長發早於去歲兩旬於此時續得廿

膏乃可益加暮春上澣盈尺澤麥年禾黍茂實雋滿期尤茂乎穗

膏可卜豐收兆佳恐致乖初信三月內恭謁陵蹕遂初六初八初

十等日連得優澤合計竟有尺餘二麥固覺菁蔥而禾黍亦漸俱出土詢之農人咸謂夏收可期豐稔乃近日

每夜雲勢頗濃似可霑澤無奈屢被風妒旋即聞霽
能不引為已咎虔叩 崇祠惟願 天 神鑒宥

霽優霖庶不 邇來每夜常作雲雲生風妒遂澤靳自咎
孤此豐兆耳

暮春兆太佳因之心豫滿招損叶第一泉茲叩

崇祠惕然改過心不吝祈

天宥罪

神沛恩普霽甘霖初願順

山西巡撫蔣兆奎報雨詩以誌事

孟夏月之朔一日三次雨而弗及一寸徒勞雙目覩日

引月以長中澣又逮五雲生風隨妒雲淨風息鼓是誰之過歟叩

天宥過補三春心實豫豫失無逸所茲接晉撫章上澣

澤逢屢三四五寸霑或有深透處

叶

蔣兆奎奏三月十九日赴岳陽查辦

事件往返經歷平陽府屬之岳陽洪洞霍州并所屬之趙城靈石汾州府屬之介休平遙太原府屬之祁縣徐溝太原陽曲等州縣沿途察看自二月二十八九三十并三月初九十等日屢得透雨之後土膏滋潤宿麥已漸次吐穗春麥及高粱穀子豌豆等項亦漸次長發青蔥回署後檢查太原平陽潞安汾州大同朔平澤州蒲州等府屬遼州沁州解州絳州霍州等州并所屬稟報復於三月二十四五二十八九及四月初三四等日得

雨自二三四五寸至深透不等於農田更大有裨益所有米糧價值均屬中平等語冬麥間吐穗

青蔥秀禾黍慰彼慮此農

每歲二麥至四月末始結穗昨十四日甫交小滿節現在

雨澤即稍待十餘日亦未為遲惟今歲春澤優渥勝於常年若目前得有甘膏接潤滋培稔收可卜是以盼澤之心雖尚可待而益急恐孤初望懽茫然方寸間擲筆不成語

河南巡撫景安四川總督孫士毅各報雨水糧價

情形詩以誌慰

奏到日同發不同

河南距京近於四川數倍而景安孫士毅各報雨水糧價情形摺同於今

日奏到聞其發摺之日河南以四月初九四川以三月十五遲早故自不同也近遙遲早別其

中兩州七府均霑澤

豫省今歲二月內雪雨優霑茲又據景安奏開封府屬之汜水衛輝

府屬之汲縣新鄉懷慶府屬之河內武陟溫縣河南府屬之偃師等六縣南陽府屬之南陽等七州縣汝寧府屬之汝陽等八縣陳州府屬之商水項城陝州暨所屬之靈寶閿鄉盧氏光州所屬之光山固始商城均於三月初一至初八九十暨十七十九二十四五等日得雨自一二寸至四五寸及深透不等二麥結穗一律飽滿早秋皆已透發並檢查各屬糧價較之上月稍有增減正屆青黃不接之際尚屬中平

通省新疆

可冀豐

孫士毅奏川省二月以來省城天氣融和雨水調勻高下均屬霑潤並核對通省各屬具稟得

雨時日大小先後不同計一月之內少者得雨二三次多者四五次不等俱屬調勻霑足二麥早已揚花春莠出土三四寸蠶豆豌豆菜子皆已結實成熟漸次登場至塘堰溝渠蓄水充足現在翻犁播種早秧業已出水

其新疆五屯具報雨水亦皆足用
市集糧價雖稍有增減並不加昂
春月雨佳志或豫夏

初霖新意增忡籲虔

蒼昊自悔過

今歲春初雨膏本渥三月初六初八初十又連得甘澤尺餘彼時心深欣慰以為即

晴霽半月或廿餘日亦於農田無礙乃不意浸尋入夏已越四月中旬尚待繼澤是必予前此心志自滿所致

今深自悔責惟冀
哀赦過宥罪即惠甘膏以慰焦切

惟願興雲淨斂風

往年清明日遇風率連吹月餘弗止遂致艱於得雨今年清明竟日無風方深以為幸乃近日每有雲興輒為風妒吹散

實切忤聞

詣

廣潤祠祈雨之作

去年廿八今十八有閏遲無閏反前

去歲以四月廿八日來此祈澤茲來

方四月十八已早一旬又以去春有閏二月計之則更
早四十日矣且今春屢霑澤迴勝去春似待澤不至
甚殷而予心不啻懸切豈
高年之人情固倍急耶大約歲高心更急雖然時早

望增煎輕輿塵淨知地潤

今早出西南門經西馬廐一帶蹕途並無塵土且凌晨始

傳旨預備而該處地勢寬曠草滿並非園
丁等預先潑水使然可知地土尚屬雷潤連壠麥芄待

露涓

雨澤優渥則必有朝露早則無茲路旁所見二麥
芄茂禾黍皆吐新秧寸餘胥待晨露沾濡晴已逾

月故鮮露氣潤
苗益切望雨澤已過自知祈

昊宥

神祠惇叩益寅虔

望蟾閣疊昨歲韻

卅年十二所登閣今竟連疊昨歲詩

是閏乾隆壬申年所建至今已四十

五年以歷年之詩計之自壬申至上年乙卯僅登十
二次今歲復有題句但祇疊去歲韻而未嘗登閣也春

膏好值入夏旱昨今何乃相同之

去歲春雨頗霑不須
祈澤至四月底晴已

一月盼望乃殷今歲春雨盈尺倍勝上年不謂自三月
初十得雨後連今晴已逾月望澤情形竟與去歲相似
然去歲詣廣潤祠祈雨係四月廿八日今年乃四月
十八日且去歲有閏而今歲無閏綜計今歲較早四十

日似尚可待惟今年春雨倍優惜未
即離澤恐孤所望尤不能不切盼耳
今春澤倍兆尤渥

滿期麥秋逮稔時諧

祠祈雨心更切惜孤所望虔陳詞弗拾級登祇賡韻方

寸慚愧惟自知即如去歲歸立雨

去歲四月廿八日詣廣潤祠祈雨回御

園後雲陰密佈是夜即得甘霖

三寸迨次曉猶未止即

躬詣龍神祠叩謝並增號

廣潤靈雨祠以昭神

賜今日虔申籲請亦如

去歲即日詎敢必恐成虛辭

連沛恩膏感荷莫幸

曷可言喻

御製詩餘集卷四

欽定四庫全書

御製詩餘集卷

集部

五至
六

欽定四庫全書

御製詩餘集卷五

古今體三十九首

丙辰五

鑑遠堂

溪堂臨昆湖因之額鑑遠昨歲亦憇茲視事傳餐飯兩
督摺報來征苗逐賊逃瓜寨賊之邊巢穴期窮剷

堂在廣

潤祠西偏俯臨昆明湖水昨歲四月廿八日詣祠祈
雨後即往茲傳餐視事適湖南征苗兩督臣福康安和
琳報到官兵於三月內攻克蘭草坪後直抵榔木陀賊
匪抵死抗拒福康安和琳料其迤西一帶防範必疎正

可用奇兵搗其巢穴因分兵五路督率巴圖魯等帶領
由登高坡老虎灣茶山四峒頭劍坡五路乘夜齊進分
撲賊卡冒雨爭先鎗箭所到斃賊不可計數遂將黃瓜
山賊寨攻克搶佔大梁是日焚寨五十六處生擒一百
餘名匪眾潰竄賊勢大威因有誌事之作書懸壁間茲
來覽閱不覺時已經歲現在石三保石柳鄧等尚未就
擒為之切盼

壁詩今見之則已經歲宛邪教闕兵虛剿除不

可晚

今歲二月初內湖北白蓮教首張正謨等因見湖北

兵弁俱調赴湖南征苗地方武備空虚乘機勾結
謀逆雖經巡撫惠齡帶兵勦捕屢殲匪眾並將為首之
匪傑人向瑤明械送來京治罪而張正謨現尚未獲其
將軍恒瑞亦已將竹山竹谿房縣保康之賊剿淨即日
可以自南而北直抵襄陽而提督慶成等所帶直隸山
東之兵現已自北而南與鄂輝合勦襄陽樊城之賊至
據守當陽賊眾現經畢沅舒亮等設法攻圍諒亦不難

即破本係不得已而用兵但逆匪等一日不勦除則良民一日不能安處此時官兵聲威雄威賊勢聚散靡定可以漸次洗蕩淨盡至逆苗石三保石柳鄧亦僅止支撐苟延旦夕現在軍營所調新兵二萬計已到齊即可擒渠藏事佇盼兩省大捷喜音同到快慰懸念而楚省南北民生即可早享安全之福矣 兵用不得已愧我德失亶佇捷凱旋征楚民樂安產

西安巡撫秦承恩署布政使姚學瑛同報二麥收

成九分有餘詩以誌慰

撫令藩陳夏收數

西安巡撫秦承恩前因陝省興安府與湖北之郢陽府接壤恐有楚匪闌

入陝境駐劄興安堵禦該處距省城較遠若俟各屬具報二麥收數到齊彙奏未免稍遲因預令署藩司姚學

瑛就近核明
先行馳奏

細開

瑛學

總報

秦承

到同聞

瑛學

瑛之摺

四月初七日

自西安拜發秦承恩之摺乃三月廿八日自興安拜發而均於四月二十日遞到蓋興安在陝西省城西南距

京較遠十數站是以發
摺早九日而同日到京
四州五府稔二麥補短截長餘

九分

姚學瑛奏稱陝省上年種麥後冬春雨雪調勻四月初又連得透雨現在二麥正當結穗顆粒飽綻

據西安鳳翔漢中同州興安五府商邠乾郿四直隸州所屬地方二麥約收分數內十分者咸寧等十五廳州

縣九分有餘者孝義等二十八廳州縣九分者商州等十六州縣八分有餘者汧陽等十州縣統計五府四直

隸州所屬六十九廳州縣
二麥約收九分有餘等語
楚匪逮平邊界淨

節次據秦

瑞永保就領大兵由竹谿竹山房縣保康一路進剿收復地方殲斃賊匪不可勝計現在搜捕逃竄餘孽招復

居民大兵前赴南漳一帶勦辦道路已通么膺烏合之
衆諒可即日蕩平至保康以東去陝境日遠邊界賊氛
淨盡茲秦承恩姚學瑛二人摺內俱稱地方寧謐民情
惟忤麥收可期上稔市集糧價日就平減披覽之下雖
於秦民慰藉而京師月餘
待澤又因此倍增焦切耳
市糧都減戶民欣披章誠為

秦民慰慰彼仍茲望澤殷

詣

黑龍潭祈雨六韻

逾月未

恩覃虔求敬詣

潭叩希敷

帝澤思過責躬慙

今歲春初雨膏本渥三月上旬又三

放以致逾月以來竟未得蒙繼澤今自知已

神祠仰冀

恩宥垂慈即敷時雨

五歲中隔

二

北地春夏之間向艱雨澤予臨御六十年中不望雨之歲甚少即如近五年內未經詣潭祈叩者惟癸

丑乙卯兩

一朝斯倍三

向年詣

潭祈禱

龍神前例

誠非敢謂展禮有加庶幾

望田雖可待

今早出西北

鑒予思過青躬之忱悃耳

門至

潭沿

何堪深惜三春渥敢云北地諳耆年減步級

從前每遇請

途歷覽麥田青蔥吐穗雖亟於盼澤尚非迫不

更久則

可待若即日得有甘霖收成仍可不減分數

潭祈雨之

日於潭下平地即降輿步登石階三成每成約數十級至龍神殿叩申祈禱連甲寅歲因年逾八旬宜少節步履之勞得以一心申敬因乘輦輿陟磴至碑亭處始降輿仍步行扶掖而升入廟至殿叩禱其石階亦尚有二三十級今年亦如之予豈敢以年近九袞遂爾圖安區區寸忱諒亦仰邀神明昭鑒也九拜賜霖甘

命子皇帝詣

黑龍潭謝雨疊前韻

祈

澤雨其覃

是日雨

謝教帝詣

潭恩施臣父子

昨日即攜子皇帝來步禱

叩述已虔慙時閱酉至子

昨詣潭祈叩青躬省過籲冀即沐神恩而未敢必
午後雲陰漸滿酉刻雨作逮子刻方止今早順天府報

有三寸意謂不無浮飾令內監劇士視之高處不過二
寸餘低下之處將逮三寸感荷神貺昭靈既遙叩以

申謝悃凌晨並命子皇帝詣潭敬謝仍祝續霽甘膏
深透大利農田此實予不知足之私忱諒吳鑒或

不以為清請也潤惟二逮三敬蒙

天洗過仍冀霽霏堪即此不知足原因歷久諳曉瞻碧

宇淨重籲霽霂甘

兩江總督蘇凌阿奏所屬三省雨水麥收情形詩

以誌慰

稱江以兩實惟三

兩江總督節制安徽江蘇江西三省以安徽江蘇二省在長江之左江西

省在長江之右故通稱兩江總督云

雨澤春膏幸遍覃麥八九分收上下

蘇凌阿奏稱上下兩江各府州屬稟報三月初一初二初三初四初五初六初七初八初九初十及二十五二十六等日得雨一二三四五寸不等又據江寧蘇州淮安安慶廬州鳳陽滁州各報四月初二三四及初六日得雨三四寸不等二麥得此滋培揚花吐秀漸次結實現據上江安徽省之安慶徽州寧國廬州各府屬報麥收約有八九分下江江蘇省之江寧蘇州常州揚州鎮江淮安太倉各府州屬報麥收亦約有八九分等語霖優渥故稔

西南

並據蘇凌阿奏本年春間晴雨調勻各屬普遍江西之南昌饒州廣信南康九江建昌撫州臨江

瑞州袁州吉安贛州南安寧都等十三府一州各報二
麥約收九分者居多可稱上稔並云三省糧價中平民
人樂業地方均極寧靜披覽之下雖
遙為欣慰而近撫目前殊增愁悶
遙章披閱意誠慰

近景切觀心益慙雖數寸霑連偶遇

京畿自三月上旬
三次渥霽後復尋

望澤日益塵懷昨廿二日清晨躬詣
祈省過自責仰蒙
神靈鑒佑即於是日自酉至子得

雨低處將逮三寸高處僅二寸餘廿四日早又得雨亦
不過寸許總未能接潤深透日來雲氣時作似有雨意

惟冀
霑足則麥收分數或可不至甚減耳
敢云接潤飾虛談

直隸總督梁肯堂奏得雨四寸詩以誌事

詣

潭虔禱蒙

昭佑命子叩

天並謝

神

昨廿二日躬率子皇帝詣

黑龍潭步禱九拜致虔

籲求

神鑒乃是日酉刻竟蒙

靈佑霏甘膏深欽

感次日清晨即命子皇帝詣

潭敬謝

天恩間去

神祝予仍於御園遙望西北

升香叩申謝悃

聲

下一間三雖兩得

廿二日酉戌間雨作至子刻方止次早劇土驗之窪地將連三寸高地不

過二寸有餘間一日廿四復雨間三日廿六又雨後凡得雨兩次

寸餘寸未欠優臻四

日卯刻微雨並未及寸廿六日寅刻得有陣雨卯刻又得陣雨較大然亦僅止一寸餘總欠霑足

保陽

茲報八指

八指即四寸

渥

據梁肯堂奏保定省城亦殷望澤於二十五日巳時起至未時甘雨

優施勢甚霽霽入土四寸差查四野相同麥禾足資長發連日雲氣廣佈遠近似可一律優霽續又據奏稱二十六日卯刻省城復得微雨不成分寸先後各屬稟報單開順天府屬之通州大興宛平二縣均於二十二日得雨三寸其平谷三河薊州寧河順義良鄉涿州昌平文安保定大城霸州容雲等十三州縣保定府屬之唐縣等十四州縣正定府屬之阜平等十二州縣河間府屬之東光等十二州縣承德府屬之豐寧縣永平府屬之盧龍等三縣宣化府屬之宣化縣天津府屬之滄州等五州縣易州並所屬涿水縣深州並所屬之安平三等三縣冀州並所屬之棗強等五縣趙州並所屬之柏鄉等三縣定州屬之深澤縣及遵化州於二十二十一二三四五等日各得雨一二三四五寸不等覽奏欣慰但其中得雨四五寸者雖有十三處而得雨一二寸者尚

多均未為霑足仍諭梁肯堂虔祈繼霽以利農田此次雖畿輔各得雨澤而京師尚殷切盼固不能以遙為慰念而近釋蒿日悻悻也食旰益增切望諄憂近慰遙近為急語無

倫次愧滋頻

河南巡撫景安江西巡撫陳准各報二麥收成分

數詩以誌慰

八分餘

河南與九分餘

江蘇省西江各報諸

據景安奏豫省上冬雪澤

深透今春雨水充足大河南北普被優霑二麥藉資培養茲屆成熟之期查通省一百八廳州縣約收九分有餘者洛陽等十六州縣九分者濟源等十二州縣八分有餘者鹿邑等十七州縣八分者祥符等四十一州縣

七分有餘者商邱等十三州縣七分者陳留等九廳縣
合計通省二麥約收八分有餘等語又據陳淮奏江西
省二麥現屆登場查通省內除袁州府屬之萍鄉萬載
二縣南安府屬之崇義縣向不種麥外其產麥各屬內
收成十分者南昌等十七州縣九分者豐城等四十五
廳州縣八分者廬陵等十三縣通省牽算二麥收成實
共九分有餘等語

已幸稔逢中下彼

是向來豫省民間以麥為重

江西雖係產稻之區近來種麥亦廣民食實有裨益今
二省收麥雖於上稔略欠而已屬中稔有餘洵堪欣慰
惟目前盼澤日殷
殊覺慰不抵悶耳

益塵霖暎肝宵予黎民萬寓同心所

春澤二年此望虛更值苗疆蕪盼捷語無倫序嘆何如

直隸總督梁肯堂奏報各屬麥收八分詩以誌事

渥澤三春夏澤歟秀資結實望霖霖優滿期上稔今下稔

直隸總督梁肯堂奏二麥約收分數順天永平大名天津承德宣化六府遵化州併所屬約收八分有餘河間正定二府深州併所屬約收八分保定順德廣平三府易州冀州趙州定州併所屬約收七分有餘通計十一府六直隸州二麥共約收八分等語今歲三春雪雨頻霑滿計麥收可得十分無何夏初闕雨顆粒不能飽滿以致分數減少祇有八分僅稱下稔撫躬循省自是春澤甚優未免自覺慰豫之過耳

是孰過乎

過我由

雨 五月初二日

清曉見朝陽須臾雲掩光雷聲資發育雨勢恣悠揚竟

歷二時久

自卯至巳雷雨交作勢甚霑沛

量平看四寸強

據順天府報入土實有四

寸四
五分

天恩叩仍籲繼

澤霈祈霽

山東巡撫玉德奏報麥收分數詩以誌慰

北省由來重麥收農謠得一勝三秋京畿至八已為幸

今歲京畿及直隸各屬春雨優霑二麥本期上稔嗣於四月內雨澤闕少麥收分數未免稍減昨據梁肯堂奏通省麥收率算約有八分尚屬下稔已堪欣幸齊地有餘亦協求

玉德節次奏報東省二三

月內及四月初旬下旬各屬頻霪雨澤因未將麥收分
數迅速具奏傳旨申飭並令體察情形如糧價加增即
酌量平糶以資接濟茲據覆奏該省各屬二麥約收分
數曹州一府約收十分兗州一府濟寧一州俱約收九
分有餘沂州一府約收九分泰安一府約收八分濟南
登州萊州三府俱約收七分有餘武定東昌二府臨清
一州俱約收六分有餘青州一府約收六分合計通省
約收八分有餘又稱東省民間俗諺一麥抵三秋現在
麥收八九十分者固屬豐稔即六七分之處亦不為歉
茲當未經收割之前糧價不無稍昂業已飭屬酌量借
糶民食足資接濟至所有秋禾得雨之處固覺長發暢
茂即近日雨澤略少之處禾苗亦毫無損傷現在節屆
芒種為時尚早夏至前再得
連雨皆可一律長發等語

近繼

恩霖霑四五

京畿於四月下旬得雨三次總未優霑至
昨初二日之雨高處僅四寸餘低處實有

五寸勢雖霽霽究未能深透仍冀甘膏渥沛大利農
田此予夙昔望雨不知足之過亦即向讀洪範著論所
謂不能去其三
日憂之義也 仍祈

渥澤霽田疇不知足過不知改終始念徵以先去憂

端午日罷觀競渡之作

高霑四寸低霑五鬪土前朝潤接堪

昨初二之日為雨較前月廿二日為優據

順天府報稱四寸四分命內侍於園中劖土視之高處有四寸餘低窪處竟有五寸庶幾可以接潤惟晴久
究覺未能
究欠甘膏優且渥仍殷望澤暢和慙翻看鳳
霑透也

冊歲之廿罷渡龍舟節有三

端午日向陳龍舟競渡按例有賞非獨為暢觀膏也

從前屢有因雨澤愆期罷而不舉者命查看二十年來
舊冊則已亥癸卯甲寅均因望雨罷龍舟競渡今歲春
雨優霑四月內乃致欠澤昨雖幸霽膏然高廈四寸
餘低處五寸剛能接潤究欠深透是以仍令罷陳節事
歸政那能卸已過責躬切爾敢虛談

雨疊前韻 五月初五日

龍舟罷渡非沽譽祈

需心焦實不堪朔翼

賜膏詎虔格

初二日晚晴雨已無望須臾雲陰四佈雷雨交作自卯迨巳方止劇驗高地入土四

寸餘低地竟有五寸此實
蒼恩賜甘膏豈敢謂誠祈所致耶

上兩朝繼渥盼增慙得

後土脉雖可接潤然究欠需足尚盼繼渥優
霖乃初三初四連朝徒殷盼望殊切自慙
酉時作矣

惜停亥

今日酉刻西北風吹送雲興既而雨來頗密至
戌刻檐溜有聲意謂可得深透惜至亥雨遂頓

止不過二寸有餘然五日之中兩沐時霖積連七寸已
可略濟田功惟冀天貺繼施十分優渥庶風夜顯

望之忱得以愜耳
二寸餘而未及三接潤田功知略濟弗辭瀆

望叩誠談

江蘇巡撫費淳護安徽巡撫張誠基浙江巡撫吉

慶護福建巡撫姚棻各報麥收分數詩以誌慰

麥收今歲遍江南分數彙書慰允堪近則蘇閭九分信

費淳奏江蘇各屬上年冬雪優霑今春甘膏疊霑二麥
暢茂顆粒倍加飽滿查核麥收分數蘇州常州鎮江揚
州四府約收九分有餘江寧松江二府太倉一州約收
九分淮安徐州二府通州一州並海門一廳約收八分
有餘海州約收七分有餘合計
通省二麥收成約有九分餘

隣惟徽歙八餘探

安徽與江

蘇隣近茲據張誠基奏報安徽麥收分數九分者六安
懷寧等十四州縣八分有餘者無為太湖等二十州縣

八分者亳州桐城等二十州縣七分有餘者宿州
州鳳陽等五州縣統計通省收成約八分有餘

七閩倍

四數去猶夥

姚榮奏福建二麥收成內除臺灣鳳山二
縣向不種麥外所有通省麥收分數永安

等二縣九分有餘閩縣等五州縣九分連江等一十三
縣八分有餘福清等三十一縣八分羅源等七縣七分

有餘尤溪等四州縣七分合計通省共十府並
永春龍巖二直隸州二麥收成實八分有餘

兩浙同

其更及蠶

吉慶奏浙省雨水調勻各項春花乘時暢發所有二麥約收分數杭州湖州寧波紹興台

州金華嚴州處州八府屬均八分有餘嘉興衢州溫州三府屬均八分通省約計八分有餘至杭嘉湖三府屬

尤重蠶事自三月下旬以來天氣和暖最為得宜現在

已過三眠陸續成繭分數與麥收相同等語總計江蘇

安徽福建浙江四省麥收俱屬中稔固為欣慰惟京畿

近日雖兩次得雨七寸於農田已有裨益然究覺未能

深透尚冀繼沛優霏感荷

吳恩益難言喻

豈不慰哉蕪惕耳渥優仍籲

吳恩覃

雨再疊前韻

五月初八日

過午雲容漸霽霽優施渥霽庶幾堪未霏至子延誠久

半尺盈膏勢弗慙

是日午間尚晴午後漸次雲作未幾即雨自未至子勢頗綿密點滴入上

據京尹報稱五寸似尚不止此數洵為優渥

夜及朝晴時正若

又幸次晨旋即開霽雨潤

日暄可稱時若二連五八日剛三

三月春雨頻霑為近年所罕觀意謂夏收可期上稔不謂

四月內竟至艱澤跂望甚切惟有虔心祈禱仰冀恩施入五月初二初五兩次甘膏雖合計共有七寸

總覺未能霑足得此一雨土脈已極透潤不特大田暢發倍益青葱二麥將次成熟顆粒亦加堅實且雲陰廣佈遠近或得一律均沾未及一句三蒙
是貺感幸之餘益增慶惕耳

粵恩宥過增慶惕敢更不知足絮談

玉泉山

欽定四庫全書

御製詩餘集

十三

龍王廟謝雨之作

幾次霑

恩近實優

前月廿二之雨尚有二寸餘廿四廿六二次皆不過寸餘自昨初二初五至初八三次總

計竟有尺餘可謂霑透前據梁肯堂奏二麥約收可有八分茲當將次成熟之時得此渥膏顆粒益當堅好雖屬下稔然亦不至孤望耳

幸叨下稔穫來年繼春救夏曷誠濟利物

霑

天澤合酬敢曰慰乎慰隣逸亦惟已勅已先憂軍營奏

適聯翩報

湖北邪教滋擾楚豫交界並焚搶呂堰驛地方勢頗猖獗今日接慶成景安奏與富成德

齡等分路帶兵搜勦賊匪聞風竄入雙溝聚集一處現在呂堰驛附近一路肅清恒瑞永保不日前來會合從此四面夾擊自可一鼓蕩平不留餘孽又據宜綿奏鄖陽竹山竹谿保康房縣一帶經恒瑞永保等痛加勦殺之後已前赴襄陽會勦宜綿現駐劄鄖陽亦已將各處竄逸餘匪搜捕正法現在漢江以北之賊俱已勦除淨盡地方寧謐民情安貼此時各路官兵到襄聲威大振賊勢窮蹙感想大捷喜音即日可到矣
邪教淨除待捷投

竹鑪山房二首

第一靈泉近左邊竹鑪置以便烹煎每教空過因愁雨

夏初頻來祈雨心殷
盼澤過此未一停憩
茗椀得擎誠謝

天

雖云歸政仍勤政

今歲既歸政一切籌農致祭均應為子皇帝之事然予受昊蒼懋

得為千古第一全人而精神尚覺強健理合隨事訓子誠一無二過自夏初盼望雨澤何忍自耽安逸視若無

涉是以頻次虔求返已幾次祈

責躬幸蒙

恩宥耳

祠責已頻茲坐山房吟七字笑欣名乃稱

去間人自五月初

二以後未及旬日三次蒙澤茲來虔謝神惠乘暇臨此試泉淪茗略似閒人鬪茶韻事矣戲談及之以稱太

上也

涵漪齋雜詠

一湖本自通隔山成兩地

玉泉流為平湖原一水也茲因高峯降向南為山脚遂隔

為東西兩湖由小峯東升降西以齊在山西故云

行山有升降湖水無同異有

升降乃勞無同異實易舍易而求勞論癡非刻肆咄哉
語亦失孰能免此議俯視碧湖漪實無爾許意

掛瀑簷

玉泉趵突匪垂虹

玉泉從山根仰出噴薄如珠正與趵突之義合前人燕山八景誤為垂虹

昔屢有詩訂其非茲水自香山普覺寺迤邐而來於牆脊甃渠引至此為飛瀑實非玉泉之水也

西自

香山引向東到此掛簷稱瀑布幻中名實訝何窮

倚晴樓自哂

久霽必思雨，屢陰則盼晴。可識世之人，孰能有定情？三
春甘澤佳，豈不心慰平？首夏忽暵乾，甚切焦望縈。即今
剛接潤，繼渥乃大亨。散步偶至樓，弗肯拾級登。心仍希
優霈，嫌其額倚晴。層檐似失笑，昔實誰與名？

題華滋館

園門咫尺近華滋，厯歲於斯率有詩。春末夏初緣望雨，
來求去忸每忘詞。幸今澤霈潤迎目，乃略愁舒景啟思。

沃矣惕哉一方寸多言何必返舟宜

玉河泛舟至萬壽山清漪園

逍遙佳處戒淹留數首詩成命返舟
盼捷望霖吟手澀
茲來稍覺興徐投

低處稻田高大田容容入望綠雲連
圖過耕織看活畫
十日前思未敢然

木舫行行石舫臨碧波一例俯清深
設云動固不如靜
未識南華齊物心

萬壽山清漪園示詠

山稱萬壽祝

慈釐

萬壽山舊名甕山乾隆己巳歲始考通惠河之源即元史所載引白浮甕山諸泉云昔時因歲久淤

塞命就山前芟蕪浚隘匯玉泉西湖之水成一區命曰昆明湖又設牕壩涵洞以禦夏秋泛漲且貯以濟運兼

資稻田灌溉以辛未歲為慈寧六旬大慶預於山之陽建大報恩延壽寺因名之曰萬壽山以祝慈

釐並為之記後於山麓點綴亭榭純名之曰清漪園復為文以記其事仰荷天佑歲月久長迄今丙辰已

四十六年矣每當清暇一遊卽佳辰還卽於此傳餐視事未嘗少弛蓋智仁山水雖具動靜樂壽之趣而其本

總在持之以敬我子孫所當聰聽世守亦不可再增建置示予過並示予志也
園號清漪水德

宜山水之間勤帝治智仁以寓荷

天禧設循已欲斯乖矣用示後昆永慎之七字明心無
別語一言曰敬敢忘茲

廣西巡撫成林雲南巡撫江蘭各報麥收分數詩

以誌慰

極遠滇南次粵西節前後報麥收齊粵稱漢土八猶騰

成林奏粵西漢土二麥收成分數九分者臨桂等九州
縣八分者興安等三十六廳州縣七分者永福宜山二
縣合計漢屬十一府一直隸州麥收共八分有餘土屬
內九分者萬承龍英二土州上龍永順二土司八分者

歸德等二十九土州縣七分者田州一土州陽萬一土州判合計土屬三十五土州縣麥收亦八分有餘

實民夷九普跡

江蘭秦雲南省二麥蠶豆現在刈獲登場所有收成分數麥豆並種之蒙化等

二十廳州縣高下均有九分寧州等十七廳州縣低下九分有餘高阜八分有餘武定等二十五廳州縣州判

縣丞高下均八分有餘緬寧等七廳州縣低下八分有餘高阜七分有餘祇種二麥之宣威等七州縣州判低

下九分高阜八分元江等四廳州低下八分有餘高阜七分有餘祇種蠶豆之思茅一廳高下均有八分合計

通省收成約有九分至沿邊地方栽種麥豆之寧洱等五土司並義正善長二里低下高阜收成亦均有八分

餘等語
今歲南疆多稔報即時北省鮮災題甘蘭地瘠實

成嘆

今歲大江以南各省麥收分數率多八九分以上即北地各省亦多屬中稔間有缺雨之處通省牽

算尚稱下稔惟甘肅一省本係磽瘠之區兼之今春雨澤愆期糧價增貴已命地方官實力賑恤現在宜綿駐劄鄆陽搜捕楚北餘匪並有旨令其殲除淨盡之後即回至甘省籌畫接濟勿令一夫失所以副朕子惠黎元至
意 卹旨頻頻救饒黎

雨 五月十三日

玉泉謝雨迴逢雨連日地皮濕潤周

午節前初二初四之雨雖共有七寸

然以久晴慮未霑透至初八之雨竟有五寸可稱優霽初十日詣玉泉山虔謝神庥並祈再加渥霈大利田

功是日又即得微雨連朝頻獲沾濡雖每次不過寸餘而地氣潮濕可以接潤矣

過午今朝雲

湊密入宵二寸澤餘優

今早天氣開朗過午雲陰四起雨亦漸作疎密相間至夜分始

止據順天府報
入土二寸有餘

夏初旱釋心兢釋楚省軍郵望捷郵慰

弗勝愁愁勝慰冀疇三者信惟憂

池上居作

長廊圍作橢方池池上書齋居憩宜以視外湖固小矣
若論間榻此恒之望霖盼捷經多日捷近霖霑幸一時

今年夏初以來霖尋望雨日甚一日兼以楚省南北捷
音未至夙夜縈盼幸自五月初二以後連次渥霑甘霖
地潤已接大禪農田近復每日得有微雨寸許益為滋
潤已可慰念而日前福康安和林奏官兵攻克火麻營
一帶險要山梁石城木卡全得深入二十餘里痛殲賊
匪餘衆奔潰相距平隴已近不日即可克復乾州掃蕩

賊巢大功告竣至湖北邪教逆匪亦經恒瑞永保等與
慶成景安等會合將呂堰驛勦通現在分兵五路督率
直赴雙溝勦辦因初八至十一日大雨不能進兵俟天
氣稍晴即可前往勦洗淨盡其鄖陽府屬各縣之賊已
勦盡無餘地方寧貼來鳳一帶亦經孫士毅福寧督兵
勦辦無難剋期歲事此時楚省南北兩處官兵聲威大
振捷音定可速到惟冀仰蒙 昊貺
亦如雨澤渥霑幸慰翹切實深感也 泐壁例吟不可
闕 每歲居御園斯齊必有題句泐壁 心紓斯乃率摛詞
以誌歲月數十年來幾成例事
向遇雨澤調勻之歲首夏總坐池上率多即景成吟或
望雨殷懷每致遲遲擣什今歲四月後盼澤縈心吟興
稍減邇來已獲優霏不似前此切
盼今日來此乃一拈韻寫懷耳

宴坐齋中肅然成詠疊已酉韻

已酉成吟盼乙卯其期瞬息豈曾愆

祀惟大小幸承遍

已酉春予以精神強固步履如常因立願自次年庚戌至六十年乙卯此

七年中凡恭遇

搜大祀歲必躬親承祭其

園丘

方澤

朝日

太廟

先農諸壇社

承 歷代帝王廟

吳眷大小諸 文廟亦親

祀咸得遍叩展誠今日翻閱

已酉歲宴坐齋中肅然成詠之什其時矢忱將事未敢自必乃瞬閱居諸本願竟全殊屬厚幸

時則丙

辰又閱年尊典

北郊應子奉於園齋處

上聲盡心虔

凡有

今歲元正

大廷授璽

郊壇大祀

固皆子皇帝之事然予仰蒙年之久坤輿寧靜感荷之私實難言喻茲雖弗親祀事

后土深恩在位六十

祀事

仍於御園敬謹致齋三日今日祀明園中本奉有
地祇神位夙興恭誠展拜儼如節年躬親承祭虔心對
越時也

父高

母厚承恩獨深感深慙獲十全

自古帝王無不仰沐
高厚之恩然從未有

如予之得

天

地恩施

獨厚者

不獨武功幸獲
覆載眷佑之福誠

為千古君人者所未有惟有兢兢
業業承之以敬慙懼不克當耳

啓蹕幸避暑山莊即事成句

北郊禮畢幸山莊歲詠為恒辰撰良雖未躬親親致戒

昨日方澤大祀予雖以歸政弗躬承祀而前期在御園仍虔誠致齋三日月之望日敬於園中地祇

神壇前恭展九拜之禮若以分屬子以言訓子子知方皇帝之職遂即自軌逸豫予則何敢

每歲幸熱河固為避暑而木蘭行園正以肄武習勞永遵家法予廿年以前即自啟鑒至熱河途間七日

總皆乘馬今年予皇帝隨行自應一如往例而予皇帝馬上並不令用轡可謂敬謹之至予乃命侍衛執轡遮

日父慈子孝各盡其道亦家庭之盛軌也日前望雨潤剛接今歲春雨頗優

澤甚亟幸自五月初二日以來屢得甘膏地脈剛可接潤今日途中歷攬麥連登場大田芑茂可觀若再得繼

霈更於農田有益然時下觀農稔可償舍馬而興符昨不似從前之殷望矣

詠耄齡何必銜康強昨歲啟蹕詩有來年太上安興發之句今予雖精力如常頗不以乘

駢為勞然年登八六亦當遵養且一時扈從大臣官員
以下亦再無有如予之耄齡者何必以啓控自銜康強
耶

過清河襟詠

今年水足似常年更喜新秧遍稻田

此間瀨河俱係稻田與玉泉山左近

相似今歲正二月雪雨頻仍加以三月初旬之內屢沐
甘膏不特河流灑灑與常年無異而稻秧出水葱然遍
壟勝於參田遠甚此幸優霑三月雨勝他麥壟綠葱然

滿期餅餌十成收首夏月餘曠氣流茲至熟齊民刈穗
十分惜祇七分投

仲夏以來時作霖雖非盈尺潤滋深

四月內日切盼澤虔心顯禱至下旬

雖頻有微雨總未霑足若俱似三月之雨麥收可冀十分無如周循日久未免大減分數據梁肯堂奏通省麥收合計共有七分甚為可惜幸五月初二初四初八等日連霽優霽雖非盈尺實堪接潤且以後陰雨時作雖每次不過寸許黍禾正屆長發究於農功有裨惟夏日易於乾燥刻下仍得優霽方仍可頓舒殷念耳

高禾矮爭芄長復切渥優望霈心

曉行

夏日宜曉行清涼適肌體昨晚炎異常茲仍衿衣矣野

景向所習籌人要勅已鮮歎夙興勞

予於寅刻啓蹕扈從衆人車馱均於

五鼓即行午前陸續皆可到齊不特可以避熱且得早
就休息是以無一人以夙興為勞者既可習勤而體衆
恤下之意亦頗契無逸理
於斯寓焉

觀稼

觀稼致不同有佳亦有否佳竟可望豐否者焉然醜是

因雨弗齊田殊高下畝

躡途周覽農田二麥未能一律
至禾黍俱已長發竟有高至尺

餘者大概夏雨間段多少不同而地畝有高下霑澤淺
深亦異所有懷柔密雲一帶麥收不無歉薄每年巡幸
熱河例免沿途錢糧十分之三因即傳旨令將該處凡
有似此者俱寬免十分之五用示巡方省歛之意至石
匣一帶雨水本優近又得雨
霑透宜乎田功較勝他處矣
閱佳意固慰視否心自咎

慰鮮咎每多吾於斯實久

出古北口用辛亥年書蘇東坡書傳堯典語韻並

作迴環韻體

堯咨岳事注坡東井浚廩塗野語同

孟子對萬章焚廩浚井之問予於丙

午著論以為必無其事亦惟折之以理微論帝既妻以二女瞽與象必不能使之完廩浚井即有其事而舜之大孝必不為申生之勇於順命所謂小杖則受大杖則走舜必有以處此孟子對咸邱蒙曰齊東野人之語予謂萬章之問亦當以齊東野人之語折之辛亥偶觀蘇東坡書傳注堯咨岳事並見其論舜浚井塗廩事言舜能以孝和諧父母昆弟使進於德不及於亂而孟子萬章之問及太史公皆云焚廩浚井僅脫於死至欲室其

二嫂其為格姦也甚矣亦直斷為齊
東野人之語其所見誠先得我心矣
兼識放勳八十六

月正肖授位之終

又東坡書傳注堯欲異位時年八十
六其後觀刑考績又三年而舜乃受

終於文祖受終之義見辛亥經筵允執厥中論按語云
終者即始終其事之謂也堯授舜而堯之事終舜授禹
而舜之事終人君受命於天能終其事即洪範考終命
之福也昨歲乙卯新正茶宴聯句輪至洪乾九五福之
考終命為題今歲元正予親授位於子皇帝而精神康
健茲尚勅幾訓政無異平時仰蒙 昊眷五福咸備

誠為自古帝王所罕覩

周甲難為位始終

予踐阼之初即炷香告 天若得
在位周甲即當傳位嗣子皇帝不敢

上同 皇祖紀元六十一年以次增載但 皇祖
御極年甫八齡在位周甲已為不易得之事至予即位

年已二十有五若滿六十年歸政壽
當八十六歲欲求副願尤為難得也何期

吳貺堯堯同

今年授壘禮成予得號稱太上仰蒙
吳蒼鴻貺堯堯同初志恰與帝堯授終之歲

相同自顧何修乃邀天眷如此
隆厚中心感荷非言語所能罄也

出關今日吟舊句

避暑山莊在古北口東北今日出口憶及辛亥年出口
後所作書蘇東坡書傳堯堯典語東字韻絕句因疊舊韻
並用迴環韻體成二首其時距今歲授位尚有四年
意在法堯而未能必今堯堯遂初心豈非千古盛事避

暑尋常北以東

雨 五月廿一日

古北口內間

去逢雨或小或大非一致古北口外閱農

功有佳有否景殊二都大未得深透同為之望霖虔切
思晚雲漸密夕霽霏徹夜優霑幸滿志達曉啓行觀山
田生意頓蔚蘇霽霑潤土盈尺覺尚多堪稱深透田功

遂適當閣本到驛郵教詢京中可均被

此次雨極酣暢雲氣濃厚自北

而南近畿一帶諒可同時霑被京師於五月初旬雖屢
經得雨尚未十分深透若今日之雨得一律霑足於禾
稼更增芄茂適閣中本報郵便因傳詢
留京王大臣等查明覆奏以慰廑念行裝塞路所常

經旅後胥歡識予意

日前經過懷柔霖雲一帶頗有雨
少情形昨駐兩間房途中亦微覺

塵燥此次之雨定得普遍至山路遇雨略渾衆人馱裝
不過遲到片時亦行程常有之事不致為累而望澤之

際即得優霑於田功有益庀從人等必能識予之慰念
同深慶幸而執事僕役輩無不得邀膏霽尤所欣喜也

喜晴

快雨既霑口內外良苗誠濟黍與禾

蹕途經過古北口內外地方頗覺乾

燥廿一日駐兩間房雲勢廣佈大雨滂沱自酉至辰入
土極為深透茲又據梁肯堂奏送駕後回至密雲懷柔
一帶得雨情形與此間相同今日兵民盡力均堪獎泥
見道旁禾黍菁蔥益有向榮之意

渾助過賞亦多

本日經由青石梁黃土坎山路泥渾所有修路及推輓車馱之兵民人等甚為

出力每人賞銀二兩以示獎卹

全喜雲徂空宇淨朗懸日照午風和御

輿策馬胥君道

此次巡幸熱河予則乘輿子皇帝策馬隨行庀從臣工及道旁迎鑒士民無不

歡呀以為盛事實亦君人之
至道可以垂訓千秋者也

示訓千秋諒不磨

御製詩餘集卷五